

中國方志叢書·華中地方·第八二七號

據

清·柏春修，魯琪光等纂
清同治十年刊本

影印

江西省

南豐縣志

(六)

成文出版社有限公司印行

藝文志目錄

南豐縣志三十六

序 跋 引 題詞 書後下

魏禧軸園初稿序 湯來賀勸設義倉序 勸積義穀

序 敬慎錄序 家禮酌宜序 書何烈婦傳後 援

溺勸戒編序 廣植橋木序 傅占衡錄危集曾子白

文書後 趙京重修龍池廣濟橋引 鄭欽募修通濟

橋引 湯廷竹募修五里莊東嶽廟引 湯來賁曾南

豐先生文集序 趙師賓邑乘紺珠序 趙希階重修

紫霄觀序 梁份甘工科奏疏序 湯倓南豐會館條

約序 鄧觀李樾齋醫學入門序 甘京程山文集序

無名高士傳序 湯惕菴先生欽恤錄書後 李其


聊左傳濟變錄序 甘表四代焚餘稿序 李光地書
曾子固梁書目錄序後 朱彝尊樂府雅詞跋 姜宸
英懷葛堂文集序 章藻功湯碩人冰雪詞序 李紱
書曾文定公墨池記後 劉都重刻崇實堂文集序
汪世麟潛德錄小引 陳道程山文集序 盛謨趙山
南詩序 鄒方鶚非我齋文集序 謝鳴盛曾松門先
生遺稿後序 余聲谷遺詩序 吳森筠瀾詩草自序
羅經劉省傳遺文序 錢唐送傅明府歸南豐序
陳斌劉誠甫先生歸南豐序 李根植謝退菴詩鈔序
魯濱揭魚亭詩集序 楊芳燦跋紉芳齋詩稿 徐
湘潭譚蘭楣樸山二先生詩集書後 跋趙鳳銜文學

詩經釋義

趙敬襄劉簾舫觀察筭學五種序

周天

曾劉眉生方伯行述書後



藝文志四

南豐縣志三十六

軸園初稿序

甯都魏禧

程山甘子槩齋學道而能文章者也自六經孔孟之文不可復作天下聰明好古之士其言或醕或雜莫不求工於文成一家之言以傳於後世於是文日盛而真意消亡實學中絕至於宋明儒者則又以文章爲玩物喪志而不屑自二三大儒外類取足道其意而止卑弱庸漫衍拘牽之病隨在而有讀者不數行輒擲去或相與揶揄厭薄之以爲戒然吾嘗爲之求其理初無悖於六經考其人生平不可謂非聖賢之徒而顧令天下後世厭絕其文至如饁餼之食魚肉之餒敗之陳於其前

易曰修辭立其誠立誠以爲質修之而後言可文也聖人之於文蓋惓惓矣昔者先王之制禮也敬而已矣必且辨爲度數品物儀飾之節有所謂以多貴者有所謂以少貴者有所謂以大以小以高以下以文以素貴者聖人之於文亦然文以明道而繁簡華質洪纖夷險約肆之故則必有其所以然蓋禮不如是不足將其敬文不如是不可以明道孔子曰辭達而已矣辭之不文則不足以達意也而或者以爲不然則請觀於六經孔子孟子之文其文不文蓋可睹矣余愧不能學道編謂今天下之志於道者旣心體而躬行之必達當世之務以

適於用必工於文章使其言可法而可傳嘗與易堂邱而康論文而康今之有志學道者也禧之言曰簡勁明切作家之文也波瀾激蕩才士之文也紆徐敦厚儒者之文也爲儒者之文當先去其七弊可深樸而不可晦重可詳復而不可煩碎可寬博而不可泛衍可正大而不可方堵可和柔而不可靡弱語可以不驚人而不可襲古聖賢之常言其旨可原本先聖先儒而不可掇筆伸紙輒以聖人大儒爲發語之端匡山宋先生見而非之曰若是則教儒者以作文矣先生蓋學道而有成者嗚呼此余所以懼夫道學之不振也非不振於文之爲不工而其得失可推而知也甘子少多才風流跌宕善

歐陽至不嫌以身試優伶壯而好經世之務嘗自區畫
邑田賦上下有司行之無少變建議勦山賊爲圖策口
手指畫大吏前潛身走賊砦下以知其險易而爲之計
旣又慕其素所親善友謝約齋先生翻然執贄爲弟子
篤行誼以聖賢爲歸近五六年又好與易堂諸子講求
文章而其文亦日以益進今夫甘子凡三變至於學道
而後加意於文章其爲人甚奇其文當必有倜儻超拔
不可羈縻之氣乃讀軸園稿朗暢和平冲然多菽粟布
帛之味而其正統論文帝短喪辨甘氏家廟通濟橋記
諸篇則又高勁有法度爲近世能文者所難及甘子於
唐宋大家文最好其鄉人曾子固要亦以其餘力及之

未嘗極其所至昔呂公著謂子固行誼不如政事政事不如文章余亦謂甘子行誼勝經世經世勝文章也軸園稿若干首余既別而存之爲之評點已酉夏甘子復以書來命余敘余以甘子有兼人之才固當於余平日所論議者合而致之以振今日學道之衰而爲之叙之如此

勸設義倉序

湯來賀

昔紫陽夫子特舉社倉西山先生設爲義廩皆以萬物一體之心居安而慮患先事而風防也丙子吾鄉歲歉吾家與姻友皆施米家大人曰小惠弗徧何如風設義倉之爲愈也賀心誌斯訓久矣邇來數遇水旱舊歲稍

亦非大有年也然而穀值愈廉者何哉人懲丁亥之饑耕者竭力而戶多陳積也且家窘戶乏購物無貲而皆以穀爲市也戶多陳積故擔薪可易斗米小民不見有饑似可苟安於目前矣然以穀市物則所貯日少非如丁亥以前之廣積也家窘戶乏則無可稱貸非如丁亥之荒猶有族黨親鄰可以相救援也假令一旦有荒則載道饑民望屋而食雖或自擁倉箱豈得而獨享哉今春吾邑大姓倉庾悉空矣春夏之交穀值雖廉而時聞饑殍幸秋霖優渥差可補救而食猶未足也茲遵家大人夙訓徧懇有仁心者互相鼓勵各設義倉以防饑饉在城居者或設倉於祠堂以關宗族或設倉於近境

以濟鄰人在鄉居者或各堡創設之或一都合力爲之
每歲秋成各出穀輸倉或十餘石或數石或數斗隨其
心量其力委曲勸勉而不強人以所難雖所積無多而
荒年得此猶愈於未設也每歲初夏必出陳易新則無
積久成塵之患矣擇本地與宗族之誠恪者司其散歛
每歲輪流則可無侵用之弊矣小荒則減價以利農大
荒則商於衆而酌給之先給孝子順孫義夫節婦之窘
乏者次則老羸之無告者次則良農之飲食者惟不孝
不友敗常亂俗事確名著及遊食不事生業之人咸勿
給焉此倉一舉可以免溝壑可以杜爭奪可以睦鄉鄰
可以維風化利莫大焉由此推之則凡慶壽者求嗣者

福癩者不出藥以酬所願則轉無益爲有用化虛文爲實利不亦善乎王文成曰爲善之人非特宗族親戚悅之鄉黨鄰里敬之雖鬼神亦陰相之夫所謂爲善孰有大於賑人之饑救人之命哉今慶壽者若能以濟人爲稱觴之祝則自求多福知必壽考且寧也求嗣者若能以救荒爲續後之謀則天監在下知必子孫千億也禱病者若能以酬人之急爲悔過遷善之圖則神聽和平知必勿藥有喜也移請客數宵之費師巫一夕之費於以救數命不充然有餘哉昔楊旬每遇荒年輒貴糴賤糶以賑貧民後其子楊椿遂魁天下陳天福平糶濟人而子孫咸登顯要遂爲湘湖世家昔人有云予舊館

於當湖陸氏見其堂中一軸文乃先世兩代出粟賑饑
而人贈之者文中歷叙古先賑濟之人子孫皆膺高位
謂陸氏他日必有顯者今自東濱公而下三代皆爲九
卿其言若左券矣賀讀家譜先祖民悅公月軒公父子
賑饑不遺餘力而讓能今子孫數世亦著文名矣夫楊
陳諸君子豈有心於求福哉然不求福而福自足亦足
徵爲善之顯報矣吾鄉親友嘗思六月大旱情形則不
忍不爲之預備况師紫陽西山咸以萬物一體爲心則
不因無報而不爲惻然亦豈因有報而始爲躍然也哉

勸積義穀序

書曰有備無患易曰君子以思患而預防之昔丁亥苦

饑有求半菽之飽而不可得者然族鄰娣友尙有餘貲
猶可稱貸也今歲吾鄉數月鮮雨高田未獲半收然幸
穀價最廉百年罕覩竊恐物盛而衰理數之常今日價
極廉安知異日不極貴乎况吾鄉匱乏日甚昔稱殷戶
今悉爲窶人矣倘遇荒年則借貸無門而坐以待困其
將若之何惟吾元晦夫子社倉一法最爲盡善宜師其
意而力行之然時詘舉贏似爲難事姑積義穀以防歉
歲可乎造一木櫃置於宗祠或本坊神廟每月朔望有
謁祠廟者各持義穀少許或一角或半升或一升至小
斗而止勿得踰焉不願助者聽隨其意而因其力不相
強也數少而不欲過多者何也相形則難僨力輕則可

久也共推一端謹者以司登記雖一角半升必紀其名以彰好義共推一有恒產而素行忠信者司其出入每朔望迄晚即將貯諸櫃者登諸倉次年春夏則推陳出新因數多寡貸與農人而息取加二焉小荒則以貸諸貧而減其息必公議而酌行之若大荒則盡捐以賑困窮必計眾而均分之先其老弱之告者是舉也專以備荒而利農他雖公事急需不得輕移以俾耗散有恃強而索者眾共持之不聽則控諸官庶幾可久行而不廢夫爲數甚少則人皆樂助月月積之歲歲行之斯可無大饑之患矣諺所云眾擎易舉積少成多者此也此亦思患預防之一道也噫省目前宴飲之貲即可甦異

日數人之命減一月雞鵝之粟亦可追他年同類之生
獨何憚而不爲哉吾鄉素稱和睦思患預防其將踴躍
爭先合力同心互相勸勉以成茲義舉乎

敬慎錄序

語曰獄者天下之大命也民之哀樂政之理亂將於
是乎繫若之何其勿慎也昔歐陽永叔語張芸叟曰吾昔
官舞陵取架閣陳年公案反復觀之見枉直乖錯違法
徇情減情害義無所不有當時仰天誓心自爾遇事不
敢忽也余丁丑閱此因惕然曰此吾輩將來之責也於
是究心刑律蓋三載餘矣庚辰謁選承乏廣陵孟冬抵
任見飛蝗蔽天道殪相望夙夜憂心圖所以救之而無